

NË EMËR TË POPULLIT

GJYKATA THEMELORE NE PRIZREN, gjyqtari Refki Piraj, me procesmbajtësen Halime Nixha sekretare juridike e kësaj gjykate, në lëndën penale kundër te pandehurve B. R. nga Prizreni dhe D. R. nga Prizreni, te akuzuar sipas aktakuzës së PTH ne Prizren PP/II.316-3/17 te dt 02.05.2017 , dhe marrëveshjes për pranimin e fajësisë PP/II.nr.316-3/17 te dt. 28.04.2017, për shkak të veprave penale te vjedhjes se rende nga neni 327 par.1 nen par.1.1 lidhur me nenin 31 dhe 28 te KP , si dhe lidhur me nenin 81 te KPP së, në prezencën e të akuzuarve dhe mbrojtësve av. G. K. me autorizim si dhe av.Z. K. i caktuar sipas detyrës zyrtare, prokurorit te shtetit Sahide Sefa, më dt.11.05.2017 mur dhe publikisht shpalli këtë:

AKTGJYKIM

Te pandehurit :

B. R., i lindur me ne Prizren, me banim ne rr. nga i ati F. dhe e ema G., e lind. I. ka te kryer shkollën fillore, i pa martuar, punëtor, i gjendjes se dobët ekonomike, shqiptar shtetas i R. te Kosovës.

D. B., i lindur ne Prizren, me banim ne rr. nga i ati dhe e ema F. e lind. S. ka te kryer shkollën fillore, i pa martuar punëtor, i gjendjes se dobët ekonomike, shqiptar shtetas i R. te Kosovës.

JANE FAJTOR

-Se në vazhdimësi

I. Më datën 25.01.2017 rreth orës 07:15 min ne Prizren ne rrugën " " ne marketin " " , me qellim te përvetësimit te kundërligjshëm per vete ia marrin pasurinë e te dëmtuarit S. T. ne ate mënyre qe përdorin forcën dhe me mjete te forta këpusin telat e rrethojës dhe drynin e derës se marketit, hyjnë brenda dhe nga aty marrin cigare te llojeve te ndryshme, te cilat me pas i fshehin ne nje shtëpi te pabanuar, dhe largohen nga vendi i ngjarjes.

Këso dore kane kryer veprën penale vjedhje e rende nga neni 327 par.1 nen paragrafi 1.1 lidhur me nenin 31 te KP-së.

II.me datën 31-01.01.2017, ne kohe te pa përcaktuar, ne Prizren, ne rrugën "Jusuf Gervalla" me qellim te përvetësimit te kundërligjshëm për vete ose personin tjetër, ia marrin pasurinë e te dëmtuarit – bankës "Wester Union" ne ate mënyrë, qe me përdorimin e forcës prej në xhamin e derës se lokalit, hyjnë brenda dhe nga aty marrin kacën e hekurit dhe 115 euro, dhe largohen nga vendi i ngjarjes.

Këso dore kane kryer veprën penale vjedhje e rende nga neni 327 par.1 lidhur me nenin 31 te KP-së.

III.me datën 14-15.01.2017, ne kohe te papërcaktuar, ne Prizren, ne rrugën "Tirana" tek ndërtesat e "Fat Grup", me qëllim te përvetësimit te kundërligjshëm per vete ose personin tjetër, ia marrin pasurinë e te dëmtuarit V. M., ne ate mënyrë qe me përdorimin e forcës thyejnë derën e automjetit te markës "Opel Kadet GSI", ngjyre te kuqe me targa te regjistrimit "1234", i cili ishte i parkuar para ndërtesës, dhe te njëjtin ia shesin nje personi ne Mitrovicën e Veriut.

Këso dore kane kryer veprën penale vjedhje e rende nga neni 327 par.1 lidhur me nenin 31 te KP-së.

IV.me datën 01.01.2017 ne Prizren ne rrugën "Joni" me qëllim te përvetësimit te kundërligjshëm per vete ose personin tjetër, ia marrin pasurinë e te dëmtuarit A. S., ne ate mënyrë qe me përdorimin e forcës thyejnë derën e lokalit – furrës "Oreks" hyjnë brenda dhe nga aty marrin para te metalta ne vlere te papërcaktuar,

Këso dore kane kryer veprën penale vjedhje e rende nga neni 327 par.1 lidhur me nenin 31 te KP-së.

V. me datën 08.01.2017, ne fshatin R. K. e S. me qëllim te përvetësimit te kundërligjshëm per vete ose personin tjetër, ia marrin pasurinë e te dëmtuarit D. K., ne atë mënyrë qe me përdorimin e forcës thyejnë derën e barnatores prone e te dëmtuarit, hyjnë brenda, dhe nga aty marrin barna te llojeve te ndryshme dhe largohen nga vendi i ngjarjes.

Këso dore kane kryer veprën penale vjedhje e rende nga neni 327 par.1 nen par.1.1 lidhur me nenin 31 te KP-së.

Pranohet marrëveshja për pranimin e fajësisë e lidhur ne mes te prokurorit te shtetit pranë Prokurorisë Themelore ne Prizren – Departamenti i përgjithshëm dhe te akuzuarve B. R. me mbrojtësin G. K. av. nga Peja dhe D. B. me mbrojtësin av. Z. K. av. nga Prizreni, PP./II.nr.3316-3/17 e dt. 28.04.2017.

Andaj gjykata bazuar ne nenin 41, 42, 43, 45, 46, 73, 74 , dhe neni 81 te KP-se, te akuzuarve iu i shqipton :

DËNIM ME BURG

Te akuzuarit B. R. ne kohëzgjatje prej 3 (tri) vite , duke i llogaritur kohën e kaluar në paraburgim, prej 10.02.2017 gjerë më 10.05.2017.

Te akuzuarit D. B. ne kohëzgjatje prej 3 (tri) vite ,

Si dhe

DËNIM ME GJOBE

Te akuzuarit B. R. duke i shqiptuar dënimin me te holla ne shume prej 500 (pesëqind) euro, të cilin dënim do ta paguaj ne xhirollogarinë e kësaj gjykate, ne afatin prej 15 dite pas plotfuqishmërisë se këtij aktgjykimi, e po qese dënimi me te holla nuk mund te paguhet nga ana e te pandehurit ne afatin e sipërpërmendur, i njëjti do te zëvendësohet me dënim burgu duke llogarite 20 euro , një dite burg qe do te thotë 25 dite burg.

Te akuzuarit D. ... B. ... duke i shqiptuar dënimin me te holla ne shume prej 500 (pesëqind) euro, të cilin dënim do ta paguaj ne xhirollogarinë e kësaj gjykate, ne afatin prej 15 dite pas plotfuqishmërisë se këtij aktgjykimi, e po qese dënimi me te holla nuk mund te paguhet nga ana e te pandehurit ne afatin e sipërpërmendur, i njëjti do te zëvendësohet me dënim burgu duke llogarite 20 euro , një dite burg qe don te thotë 25 dite burg

Te dëmtuarit Sl ... Gj ... nga Prizreni rr. Sezair Suroi nr.113, A ... nga Prizreni rr. Hajdar Shala pn, D ... nga fsh. L ... e Suharekës, F ... nga Deqani, V ... nga Prizreni rr. ... per realizimin e kërkesës pasurore juridike udhëzohet ne kontest te rregullt civil.

Obligohen te pandehurit qe te i paguajnë të gjitha shpenzimet e procedurës penale sa ato bëhen ne baze te llogarisë se gjykatës, , dhe ne emër te paushallit gjyqësor secili veç e veç te te paguajn shumen prej 50 euro, e te gjitha këto ne afat prej 15 ditësh nga dita e plotfuqishmërisë se këtij aktgjykimi nen kërcenim te ekzekutimit te dhunshëm.

Arsyetim

Prokuroria Themelore në Prizren, ka paraqitur aktakuzën PP/II.nr.316-3/17 te dt. 02.05.2017, ndaj te akuzuarve B ... R ... D ... By ... nga Prizreni për shkak të veprës penale vjedhje e rende nga neni 327 par.1 nen par.1.1. lidhur me nenin 31 si dhe te akuzuarit Gani Elshani per shkak te veprës penale blerja, pranimi ose fshehja e sendeve te përfituara me kryerjen e veprës penale nga neni 345/1 te KP-së,

Prokuroria Themelore ne Prizren – Departamenti i përgjithshëm përkitazi lidhur me aktakuzën PP/II.nr.316/3-17 te dt.28.04.2017, me te akuzuarit B ... R ... me mbrojtësin av. G ... K ... si dhe te akuzuarin D ... By ... me mbrojtësin av. ... K ... kane hyre ne marrëveshje për pranimin e fajësisë.

Pasi që sipas kësaj aktakuze ne cilësinë e te akuzuarit qëndron edhe i akuzuari G ... E ... nga Prizreni rr. De Rada , i cili akuzohet për veprën penale blerja , pranimi ose fshehja e sendeve te përfituara me kryerjen e veprës penale nga neni 345/1 te KP me te cilin prokuroria e shtetit nuk ka marrëveshje për pranimin e fajësisë gjyqtari gjykues ka bere veçimin e procedurës ndaj te akuzuarit G ... El ... dhe shqyrtimin e ka vazhduar me te akuzuarit B ... R ... dhe D ... By ...

Në shqyrtimin e dt.11.05.2017 i mbajtur ne këtë çështje penale përkitazi për marrëveshjen e cekur me lartë gjykata bazuar ne nenin 233 te KPP-së, ka vlerësuar marrëveshjen mbi pranimin e fajësisë i ka dëgjuar te akuzuarit ne prezencën e mbrojtësve te tyre , dhe ka konstatuar se pranimi është bere vullnetarisht nga ana e te akuzuarve pas konsultimeve te mjaftueshme me mbrojtësit e tyre .

Gjyqtari gjykues konstaton se janë përmbushur të gjitha kushtet e parapara ligjore konform nenit 233 paragrafi 18 i KPP-së, andaj ka pranuar marrëveshjen mbi pranimin e fajësisë dhe pas përfundimit të dëgjimit në seancë ka shqiptuar edhe dënimin në suazat e marrëveshjes në mes të palëve.

Vendimi mbi shpenzimet e procedurës penale dhe paushallit gjyqësor është marrë ne kuptim te nenit 450 dhe 452 të te KPPK-se.

Vendimi mbi udhëzimin në kontest të rregullt civil u mbështet në neni 463/2 të KPP-së.

Më sa u tha më lartë u vendos si në shqiptim të këtij aktgjykimi .

GJYKATA THEMELORE NË PRIZREN
P.nr.921/17 të dt.11.05.2017

Procesmbajtësja:
Halime Nixha

Gjyqtari:

Rëfki Firaj

UDHËZIME JURIDIKE: Kundër këtij aktgjykimi, mund të ushtrohet ankesë, në afat prej 15 ditësh nga dita e pranimit, Gjykatës së Apelit në Prishtinë, e nëpërmjet të kësaj gjykate.